



*'Oiangu publikoa eta bizirik plataforma':*

# “Proiektua gelditzea oraindik posible da”

**P**roiektua gelditzeko itzaropena daukatela adierazi dute ‘Oiangu Publikoa eta Bizirik’ plataformako kide Edurne Huesak eta Iban Alberdik. Parkea ordiziarrentzat leku garrantzitsua dela azpimarratu dute eta naturgunea babesteko eskaera

egin dute. Paisajearen balioa eta libreaki aisiaz gozatzearen garrantzia goripatu dituzte. Bestalde, Udalean errekurtsio bat aurkeztu dute proiektua berriz ere aztertzeko eskatuz. Erantzunik jaso ezean, prozedura administratiboetara jotzeko asmoa azaldu dute.

**GUKlan**  
BAINUKO OSAGAIK  
BEROGINTZA ITURGINTZA GASA

Tel.: 943 161 277 Faxa: 943 160 933  
Nafarroa Etorbidea, 27  
**BEASAIN**

Tailerra:  
Okorro, 6  
**ORDIZIA**

**IÑAKI ARIN**  
Aseguruak

943 888 702  
Oriako Pasealekua, 20  
**B E A S A I N**

### **Plataforma bat sortu duzue. Nola hasi zen hau guztia?**

Komunikabideetatik jakin genuen Ordiziako Udalak proiektua onartu zuela. Jendea elkartzen hasi ginen eta talde bat sortzea erabaki genuen eta horrela sortu genuen plataforma. Hala ere, aipatu behar da albistea komunikabideetan entzun ondoren, herriko gazte talde bat mobilizatzen hasita zegoela jada. Gazte horiek udaletxera joan ziren eta alkatesari informazioa eskatu zioten. Datuak jaso ondoren, beren kabuz sinadurak biltzen hasi ziren. Herritarrengana hurbilduz joan ziren, eta horrela, jende gehiago animatu ginen mobilizatzerara.

### **Helburua izaera publikoa mantentzea da. Zer egingo duzue horretarako?**

Informazioa zabaldu dugu, hainbat bilera egin ditugu ikastetxeekin eta Bustuntza eta Altamira auzoetako herritarrekin. Udalarekin ere hitz egin dugu eta Oianguko proiektu hau egokia dela pentsatzen jarraitzen du. Hala ere, onartu dute inpaktuko azterketaren arabera aldaketak gerta daitezkeela. Gainera, Plan Berezia eta Ingurumen Inpaktuko Azterketa onartu arte ezer berririk ezingo dutela egin onartu dute zinegotziek.

Errekurtso bat aurkeztu dugu. Erantzunik ez badugu jasotzen, prozesu administratiboari ekingo diogu administrazioarekiko auzi-epaitegiak erabakia eman dezan.

### **Eta kontzesioari buruz zerbait aipatzeko?**

Abokatuarekin hitz egiten ari gara, izan ere, kontzesioa nola egin den ere aipatu behar da. Enpresa bati eman zaio kontzesioa, Ikenari, baina proiektua martxan jartzeko beste enpresa bat sortu behar dute, Ikengu. Kontzesio hori ez dela zuzena esan digute aboka-



*'Oiangu Publikoa eta Bizirik' plataformaren aurkezpena egin zuten Barrena Kultur Etxean bainbat herritarrek eta Udalak onartutako proiektuaren aurkako arrazoiak aldarrikatu zituzten.*

## **Plataformaren manifestua**

### **'Oiangu Publikoa eta Bizirik' plataformaren aldeko manifestua:**

'Oiangu Publikoa eta Bizirik' plataforma hainbat ideologiatako eta arlotako pertsonen osatzen dugu (hezkuntza, kultura, kirola, ingurumena, enpresa, gazteria, osasun publikoa, etab.). Aipatu plataformako kideok idazki hau plazaratu dugu ordiziarren eta goierritarren atxikipena lortzeko, eta horrekin, Ordiziako Udalak Oiangu parke publikoa ustiatzeko onartu duen proiektuari ezetz esateko. Laburbilduta, gure iritziz proiektuaren inguruko egoerak eta helburuak zergatik diren ezegokiak, eta udalaren arduragabekeria larria nola geratzen den agerian azalduko dugu.

● Kontzesio-prozedura akatsez beterik dago: Proiektuaren garapen eta ontze-prozesua (hainbat urtekin hona landua) ezkutuan egin da. Udalak ez du halako proiektu batek beharko lukeen gardentasunik erakutsi; prebarikazioaren mugetan ibili da. Horren adirazleetako bat dugu halako proiektu batek, nahitaez, eta indarrean dagoen legediaren arabera, behar duen Plan Berezia (ingurumen eraginaren azterketa, arau subsidiarioak aldatzea, etab.) onartu gabe ere jarduerari hasiera eman nahi izatea.

● Onura publikoaren kontrakoa da: Proiektuaren helburuan ez zaio lehentasunik ematen onura publikoari. Parkearen %50 inguru pribatizatuko da, eta ezarriko diren aisi aukerez gozatu ahal izateko (igerilekua, paintball, golf) ordaindu egin beharko da. Beraz, orain arte parkeaz dohainik eta libre gozatzeko aukera izan dutenek aurrerantzean aukera hori murriztua izango dute.

● Balio negatiboak sustatzen ditu: Parkean 'paintball' izeneko jokorako eremu bat egongo da (gerraren itxura hartzen duen jokoa). Jarduera horrek bortizkeriaren kulturarekin lotutako balioak bultzatzen ditu. Errespetuan, bakean, elkartasunean... oinarritutako kultura helarazi nahi diegu.

● Garapen jasangarriaren kontrakoa da: Ez ditu Udalak ingurumen hezkuntza eta parte hartzea (Agenda 21) bultzatzearen alde hartutako konpromisoak errespetatzen. Aitzitik, ura ondasun publiko eta urria izan arren asko erabiliko da proiektu horretan. Bestetik, zuhaitzak botako pista eta aparkaleku berriak egiteko. Kalte handia eragingo duen proiektua da.

Horregatik, idatzi honekin bat egitea eskatzen dizugu parkeak publiko eta natural izaten jarraitzea seguratu duen proiektu berri bat landu dezaten.



**Oianguko tabernan aurtengo udan iaz eskaini zituzten zerbitzuak ematen jarraituko dute. Hala ere, argi utzi dute oraindik parkean ezin direla ezer egiten hasi.**

tuek. Hori dela eta, errekurso bat sartu dugu Udalean berriro proiektu hori aztertzeko eskatuz.

**Sinadura bilketa bat egingen ari zarete. Zer egingo da sinadura horiekin?**

Errekursoarekin batera aurkeztu genituen bildutako 3000 sinadurak. Martxoko plenoan Udalak onartu zuen herria aurka baldin badago proiektua gelditze-ko aukera badagoela. Baina, kontua da berarentzat herria zer den. Hala ere, uste dugu sinadura gehiago bilduta Udalak kasu gehiago egingo digula. Aipatu behar da 3000 sinadura horietatik 400 inguru ez direla ordiziarrenak baina horiek ere jasoko ditugula.

**Ordiziarrentzat leku garrantzitsua da Oiangu?**

Bai, oso garrantzitsua. Jen-

de asko joaten da Oiangua, bai familiak, bai gazteak eta baita jendea bakarrik ere. Parkean gauza asko egiten ditu jendeak: argazkiak aterra, irakurri, jolastu, merienda egin, eguzkitan egon, txoriak behatu... Gainera, ikastetxe batzuk ere etortzen dira haurrekin basoaz ikastera. Beraz, hori guztia kontuan hartzekoa da.

Oiangu babesteko eskatzen dugu. Balio natural asko dituen gunea da Oianguko parkea landareri, fauna eta paisaje aldetik. Beraz, bere garrantzia duenez babesteko eskatzen dugu. Aisi gunea mantentzea eta aterpearekin jarraitzea ere eskatzen dugu.

Hasieratik proiektu hau gelditzeko eskaria egin dugu eta parkearekin zer egin erabakitzerakoan talde des-

**O**iangu babesteko eskatzen dugu daukan balio naturalagatik eta baita bertan bizi den faunagatik ere.

**Joxi**  
Iturgintza - Berogintza - Gasa

Carrefour merkatalgunea  
Tel. - faxa:  
943 88 19 87  
676 178 438  
OLABERRIA



**Arartekoarekin bilera**

Arartekoarekin bilera bat egin zuten 'Oiangu Publikoa eta Bizirik' plataformako kideek. Iñigo Lamarcarekin bildu ziren eta atsegin handiz eta interesez hartu zituztela jakinarazi dute plataformakoek.

Udaletik jaso duten dokumentazio guztia eraman zioten Lamarcari eta sinadurak ere eraman zizkieten jende asko proiektuaren aurka dagoela baieztatzeko. Arartekoa bileran bi atalekin harrituta gelditu zela jakinarazi dute plataformakoek. Alde batetik, harritu egin zen Ordiziako Udalak, Tokiko Agenda 21-en barruan egonik, nola onartu duen horrelako proiektu bat herritarren iritzia eskatu gabe. Bestalde, paintball-a izan zen harritu zuen beste gauza bat. Izan ere, leku publiko batean gisa horretako "indarkeriazko" jolas bat martxan jarzea arraroa iruditu zitzaion.

Orain, Arartekoak informazioa eskatuko dio Udalari eta guztia aztertuko dute. Balorazioa egin ondoren, Udalak egoki jokatu duen edo ez adieraziko dute eta Udalari gomendioak emango dizkiote plataformakoek aipatu dutenaren arabera.

berdinen iritzia eskatu behar harko litzatekeela defendatzen dugu.

**Udaletxeak proiektuaren inguruan izan duen jarrearari buruz zer irudipen duzue, ezkutuan ibili direla?**

Bai, zalantzarik gabe. Albigitea komunikabideetatik jakiteak mugitu gaitu zerbait egitera. Udalekoek betiko bidea jarraitu dutela esaten dute. Baina, gure ustez, 40 urterako proiektu batetaz

ari garenean beste bide batzuk jarraitu behar dira.

Gainera, Udala Plan Estrategiko bat egiten ari da Ordiziak hurrengo urteetan izango dituen proiektuak agertzen direna eta plan horretan ez da proiektu hau agertzen. Beraz, horrek ere haserrea eragin digu. Are gehiago, Ordiziako Udala Tokiko Agenda 21 proiektuaren barruan egonik eta partaidetza bertako ezaugarri nagusia dela jakinik.

San Inazio, 14 BEASAIN  
☎ 943 889 390

Garagartza pl., 1 ORDIZIA  
☎ 943 805 327

San Franzisko, 8 TOLOSA  
☎ 943 650 239

**Lirain**  
Lurrindegia eta opari gaiak

### Proiektu hau gelditzeko itxaropenik ba al daukazu?

Bai. Jende asko proiektu honen aurka dago eta gainera dagoeneko nahiko erreta daude. Udalak nola jokatu duen ez zaie gustatu.

Igeldoko Herri Kontseiluarekin harremanetan jarri garela azpimarratu behar da. Izan ere, Igeldon golf eskola bat martxan jartzeko proiektua zegoen eta Foru Aldundiak proiektua atzera botatu zuen.

### Zein da proiektu honen egoera orain?

Udalak onartu du proiektua baina ez da erabateko erabakia. Orain Plan Berezi bat egin behar dute Oianguren erabilerak aldatuko direlako eta Ingurumen Inpaktuaren Azterketarekin batera Foru Aldundira bidali behar da guztia. Aldundiak aztertu ondoren, baiezkoa edo ezezkoa esango du.

Bitartean, Plan Berezia egin ondoren, guk alegazioak aurkezteko eskubidea daukagu eta gero Aldundiari ere bidali diezaizkiokegure proiektuaren aurkako arrazoiak. Igeldoko Kontseiluak Aldundiari kontrako arrazoiak aurkeztu zizkion eta Aldundiak onartu egin zituen proiektua geldituz. Aukera hori hor dago eta itxaropena badaukagu.

### Ordiziarrei eta goierritarrei zer eskatuko zenioke?

Lehendabizi eskertu behar dugu era desberdinetan jaso



**Ekainaren 5ean Ingurumenaren Nazioarteko Eguna da eta Oianguren aldeko eguna antolatu dute plataformako kideek. Ekintza ezberdinak egin abalko dira Oiangu Parkean, ibilbide gidatuak besteak beste.**

dugun sostengu eta elkarlana, baina aurrera jarraitzeko dirua behar dugu. Izan ere, argi eduki behar da orain arte egin ditugun gauzetan diru asko gastatu dela. Hori dela eta, Kutxan kontu korronte bat ireki dugu nahi duenak borondatea sartzeko: 21010073100011594967. Sinadurak bildu diren le-

kuetan itsulapikoak jarri dira baina diru hori guztia gastatu da. Bestalde, sinadurak ere eskatzen ditugu, batez ere ordiziarrei, baina goierritarrei ere bai. Azkenik, jendearen laguntza eskatzen dugu bileretara etorri eta proiektuaren aurkako ekintzetan lagunduz eta parte hartuz. Horretaz gain,

jendeak informazioa nahi izanez gero [oianguplataforma@yahoo.es](mailto:oianguplataforma@yahoo.es) helbide elektronikoan eskatu dezake.

### Aurrera begira zer daukazu pentsatuta?

Ekainaren 5ean Ingurumeneko Nazioarteko Eguna da eta Oianguko parkean ibilaldi gidatuak eta beste ekintza batzuk egiteko asmoa daukagu. Beraz, Oianguren aldeko eguna ospatuko dugu.

Bestalde, Goiekirekin harremanak hasteko asmoa daukagu. Izan ere, Oianguk Goierrri osoari zerbitzu bat ematen diola uste dugu eta ondorioz, Goiekiri gure aldarrikapenak azaltzeko asmoa daukagu.

**J**ende asko dago proiektu honen aurka eta denon artean hau gelditzeko itxaropena daukagu.



# ondoeta

**GARAJE INDUSTRIA ETA FAMILIARTEKO  
ETXEBIZITZETARAKO ATE METALIKOETAN  
ESPEZIALDUA, ESKUZKOAK ETA AUTOMATIKOAK**

E-mail: [ondoeta@ondoeta.com](mailto:ondoeta@ondoeta.com) [www.ondoeta.com](http://www.ondoeta.com)

☎ 943 88 31 02 - 943 88 74 51 Faxes: 943 88 08 72

201 Industrialdea, 18. pabilioia OLABERRIA



**SILVIA MIRAS CASASAYAS**  
ODONTÓLOGA  
COL. Zka: 649 RPS. 144/02



TEL./FAX: 943 88 92 87  
SAN INAZIO KALEA, 2  
20200 BEASAIN - (GIPUZKOA)